

## Oinsá Lei IVA la hamate povu kiak nia asesu ba setór Ekonómiku



### Husi La'o Hamutuk

Institutu Timor-Leste ba Monitor no Analiza Dezenvolvimentu  
Rua D. Alberto Ricardo, Bebora, Dili, Timor-Leste  
Tel: +670 332 1040 email: [info@laohamutuk.org](mailto:info@laohamutuk.org)  
Website: [www.laohamutuk.org](http://www.laohamutuk.org) [laohamutuk.blogspot.com](http://laohamutuk.blogspot.com)

### Em prinsipiu, La'ó Hamutuk:

- Apresia Governu nia esforsu,
- Konkorda atu hasees an hosi dependénsia petrolíferu
- Konkorda aumenta rendimentu doméstiku
- Maibé fó opiniaun sira hanesan tuir mai:

Lei tenke promove duni sosiedade ida ne'ebé iguál

- IVA nudár taxa konsumidór ( konsumidór barak mak ema kiak sira)
- Lei taxa tenke nudár oportunidade atu ajuda ita sai sosiedade ida ne'ebé ekilibriu liu.
  - Ema sira ne'ebé iha osan barak bele fó kontribuisaun ba finansa estadu nian.
  - Koleta uluk liu hosi ema sira ne'ebé riku liu iha ita nia sosiedade hodi hadi'ak estadu nia rendimentu no haforsa justisa sosiál.

Timor-Leste tenke investe uluk molok kolleita

- Aumenta rendimentu tenke hahú hosi kria atividade ekonomia iha rai laran rasik.
- Hahú hosi investimentu públiku ba :
  - Indústria ba prosesamentu ai han,
  - Investimentu iha setór agrikultura,
  - Edukasaun no saúde
- Ne'ebé sei loke kampu servisu barak ba nia povu sira, molok aplika impostu ba nia povu sira.

### • Infelizmente:

- Governu la fó prioridade ba setór ekonomia sira ne'ebé fó kampu servisu ka fó espasu ba benefísiu ema barak nian
- OGE tinan-tinan fó prioridade ba projetu infraestrutura boot sira ne'ebé nia retornu ekonomia la klaru ba futuro Timor-Leste, no mós fó benefísiu de'it ba ema uitoan no sira ne'ebé manán kontratu de'it

### Lei IVA ida ne'e seidauk promove justisa ekonomia

- Lei labele hanoin aumenta rendimentu estadu nian de'it, hodi haluha realidade ekonomia povu sira, liu-liu sira ne'ebé kiak, vulneravel ka seidauk hetan kampu traballu.
- Artigu 14.1 hosi ezbosu lei ida ne'e determina tiha 10% ba taxa impostu ba tranzmisaun ka importasaun sasán no prestasaun servisu ne'ebé akontese iha territóriu Timor-Leste
- Tenke aplika persentajen ida ne'ebé la hanesan ba sasán ka prestasaun servisu sira ne'ebé prodús iha rai laran kompara ho ida ne'ebé ita importa hosi rai li'ur

## Cont'

- Sasán luxu ka konsumu ema riku nian hanesan karreta no sasán eletróniku sira ne'e tenke hetan aplikasaun taxa boot liu kompara ho sasán sira ne'ebé iha relasaun ho nesiedade ema ki'ik sira.
- Tenke promove justisa ekonomia entre negosiante Timor oan sira ho negosiante hosi rai li'ur. Artigu 40.1 (insensaun taxa ba valor negósiu la liu \$100,000) labele aplika hanesan.

Lei tenke ajuda kompetisaun produtu lokál ho sasán importasaun

- Lei labele aplika insensaun impostu nian ba sasán sira ne'ebé importasaun, inklui aihan, esklui produtu rai laran
- Artigu 15.1(a) hosi ezbosu lei ne'e mensiona de'it insensaun ba "operasoens" rai laran, la'ós "produsaun" rai laran.

IVA labele taka oportunidade asesu ema kiak sira ba moris di'ak

- Rai ho populasaun kiak barak, laiha kampu servisu, falta kualidade saúde, edukasaun no depende ba importasaun, entaun IVA bele sai nudár obstákulu ba povu sira atu bele sai hosi mukit no vulnerabilidade
- Menus produtu rai laran sei kusta osan barak atu bele lori sasán sira mai Timor-Leste. Distánsia ida ne'ebé dook sei presiza prosesu barak, no kada pasu iha prosesu laran sei sura nia IVA rasik, ne'ebé ikus liu obriga konsumidór lokál sira, liu-liu sira ne'ebé sei kiak atu rekupera kustu hirak ne'e.

- Sasán karun, sei hamenus ema kiak sira nia podér atu ba sosa sasán, ka asesu ba servisu saúde no edukasaun.
- Taxa ida ne'ebé sa'e, sei halo sasán sira nia presu sai karun liu ba povu sira.

## Rekomendasaun

- Timor-Leste tenke muda lalais nia aproximasaun ekonomia hodi dezenvolve ekonomia rai laran.
- Bainhira ema barak hetan benefísiu, sira barak mak bele selu impostu ba estadu,
- Reforma fiscal ne'e iha nia objetivu loloos mak atu halo balansu entre rendimentu estadu nian ho despeza estadu nian.

- Karik Governu lakohi hamenus sira nia despeza tinan-tinan, liu-liu avalia mega-projetu sira ne'ebé fakar osan de'it, objetivu reforma fiskál ida ne'e sei labele atinje.
- Ami hanoin katak povu hotu-hotu tenke selu taxa tuir sira nia kapasidade ekonómiku, no lei labele obriga ema kiak sira atu selu fali impostu ne'ebé loloos sai obligasaun ema riku sira nian.

- Lei ida ne'e rasik la forte atu proteje produtu sira ne'ebé ita prodús iha rai laran
- Anexu II (insensaun taxa) tenke halo kategorizasaun ba ai han sira ne'ebé prodús iha rai laran ho ai han sira ne'ebé ita importa
- Ita presiza aplika taxa ba ai han sira ne'ebé importa hosi rai li'ur, atu nune'e bele ajuda kompetisaun produtu lokál sira iha merkadu rai laran.

- Presiza aumenta lista insensoes ba sasán eskola nian, hanesan kadernu, livru, lapizeira no roupa eskola nian no mós ekipamentu médiku, inklui ai-moruk.
- Refere ba Artigu 17.2(a). Merkadu Livre, ASEAN no WTO bele halo TL lakon rendimentu barak liu tan. Tenke halo analiza kle'an liu tan.

- **Artigu 40.1**, tenke halo klasifikasaun ne'ebé diferente entre emperezariu lokál ho emperezariu internasionál. Insensaun so bele de'it aplika ba negosiante Timor-oan sira, la'ós negosiante sira hosi rai li'ur.
- **Iha Artigu 51**, alterasaun lejizlativa kona-ba nivel taxa nian ka limite insensaun nian tenke labele tau iha Orsamentu Jerál Estadu anuál, ne'ebé dala barak hetan aprovasaun lalais no deside tuir komisaun eventual ne'ebé taka ba públiku, no mós diskute hamutuk ho asuntu sira seluk

Obrigado